



MIHAINO JEHOVAH KA MAMONJY

Lesona 4 hatao ny 27 Janoary, 2024








**“Mitaraina ny marina, ary mihaino azy
Jehovah ka mamonjy azy amin’ny
fahoriany rehetra”** (Salamo 34:17)

Tsy andriamanitra lavitra sy mitazana fotsiny ny Tompo.
Mahafantatra antsika Izy, miahys, miaro ary manafaka
antsika.

Mihaino antsika Andriamanitra ary miasa ho antsika.
Izany no fanandramana niainan'ny Zanak'Isiraely; sy ny
fanandramana niainan'ny mpanao salamo izay nitaraina
tamin'Andriamanitra tamin'ny fotoan-tsarotra.

Tsy irery isika ao anatin'ny fotoan-tsarotra; manana
Tompo ho avy hiaro antsika isika.



- ➔ **Mahalala ny Tompo (Salamo 139).**
- ➔ **Miahys ny Tompo (Salamo 121).**
- ➔ **Miaro ny Tompo (Salamo 17).**
- ➔ **Manafaka ny Tompo (Salamo 114).**
- ➔ **Mandre sady mamonjy ny Tompo.**




MAHALALA NY TOMPO

“Jehovah ô, efa nandinika ahy Hianao ka mahalala ahy” (Salamo 139:1)

Fantatr'i Davida fa mihanjahanja eo anatrehan'Andriamanitra ny fiainany manontolo (Sal. 139:2-3). Efa nahafantatra azy talohan'ny nahaterahany Andriamanitra, satria Izy no nampitombo azy tao an-kibon-dreniny (Sal. 139:13-16).

Afaka mihaona amin'Andriamanitra ianao na aiza na aiza alehao, satria Andriamanitra dia amin'ny toerana rehetra. Raha miakatra ho any amin'ny avo indrindra (lanitra) ianao, dia any Izy. Raha midina any amin'ny lalina (Sheola) ianao, dia hitany. Raha mitodika miantsinanana ianao (ny elatry ny maraina), Izy no mitarika anao. Raha miankandrefana ianao (ny faran'ny ranomasina), dia miaro anao ny tanany (Sal. 139:7-10).




Tsy misy toerana maizina loatra ka mahasarona anao tsy ho eo anatrehan'Andriamanitra (Sal. 139:11-12). Saingy, tsy nihevitra ny handositra i Davida. Maniry dia maniry ny hodinihin'Andriamanitra izy. Miezaka nanana fiainana mahitsy izay ankasitranan'Andriamanitra, miala amin'ny ratsy (Sal. 139:17-23).

Fantany fa raha lavo izy, dia Andriamanitra no hanitsy ny lalany (Sal. 139:24). Izany ve no fanandramanao miarak'Andriamanitra?

MIAHY NY TOMPO

“Jehovah hiaro anao amin’ny ratsy rehetra; eny, hiaro ny fanahinao Izy” (Salamo 121:7)

Na toa mampamoy fo toy inona aza ny toe-javatra misy anao, dia miaino Andriamanitra (Sal. 130:1-2). Rehefa mitaraina isika, dia miasa ho antsika Izy (Sal. 9:10). Misy fanantenana ho an’izay rehetra mitady sitraka amin’i Jehovah (Sal. 16:8).



Ao amin’ny Salamo 121 no ahitantsika famaritana ny Mpanampy, Vonjy ary Mpambina antsika:



Tsy hamela antsika ho solafaka amin’ny lalan’ny fainana Izy (and. 3)

Miambina antsika mandrakariva Izy (and. 4)

Manome fialofana ara-batana sy ara-panahy ho antsika Izy (and. 5-6)

Eo anilantsika mandrakariva Izy miaro antsika (and. 7)

Izy no miahysika amin’ny fotoana rehetra sy amin’ny toerana rehetra (and. 8)

Aiza no hitady vonjy raha tojo zava-tsarotra? Ho any an-tendrombohitra? Ho any amin’ny manana fahefana ara-toekarena? Ho any amin’ny manana fahefana ara-politika? Ho any amin’ny fianakavantsika sy ny namantsika? (Sal. 121:1).

Na dia mety afaka hanampy aza izy ireo, dia mety tsy hahomby izany. Iray ihany no ombam-panantenana mandrakariva: “Ny famonjena ahy dia avy amin’i Jehovah, Mpanao ny lanitra sy ny tany” (Sal. 121:2).



MIARO NY TOMPO

“Arovy tahaka ny anakandriamaso aho, afeno ao ambanin’ny aloky ny elatrazo” (Salamo 17:8)




Noho ny fahatokiany fa mifanaraka amin’izay andrasan’Andriamanitra aminy ny fiainan’i Davida, dia nangataka Azy ho mpiaro azy izy (Sal. 17:1-5).

Mampiasa fanoharana momba ny vorona ny mpanao salamo mba hilazana amintsika ny amin’ny fomba iarovan’Andriamanitra antsika: “Ny volon’elany no anaronany anao, ary ao ambanin’ny elany no hialofanao.” (Sal. 91:4). Mampiasa fiteny fanao any amin’ny tafika koa izy mba hilazana amintsika momba ny fierovany tsy mitaredretra: “Ho ampinga kely sy ampinga lehibe ny fahamarinany” (Sal. 91:4 NVI).


Ny fanoharana hafa dia maneho “fierena”, “aloka”, “batery fierovana”, sy “tanana ankavanana” (Sal. 91:1-2; 17:7-8). Ireo rehetra ireo dia manambara amintsika fierovana sy toeram-pialofana avokoa.

Tsy isalasalana fa manana Tompo izay miaro antsika amin’ny fahoriana rehetra isika. Andeha isika hitodika Aminy. Aoka isika hialoka eo ambanin’ny alony.



MANAFAKA NY TOMPO

“Ny ranomasina nahita ka nandositra; ary niorika Jordana”
(Salamo 114:3)



Asehon'ny Salamo 114
fohifohy sy anaty
tononkalo ny fomba
nandaminan'Andriaman
itra ny toe-java-tsarotra
natrehan'ny vahoakany
mba hahatongavana
tany amin'ny Tany
Nampanantenaina:



Ny ranomasina [Mena]
nahita an'Andriamanitra ka
nandositra (and. 3a)



Niorika ny reniranon'i
Jordana (and. 3b)



Nifalihavanja ny
tendrombohitra sy ny
havoana (and. 4)



Amin'ny maha-Mpamorona Azy, dia nampiasa ny heriny amin'ny zavaboary Andriamanitra
hanafahany ny olony. Tsy hanao toy izany koa ve Izy amintsika ankehitriny?

Milaza amintsika i Paoly fa nitranga izany mba ho ohatra ho antsika (1 Kor. 10:1-6). Tahaka
azy ireo, dia nafahana tamin'ny fomba mahagaga tamin'ny fahotana koa isika, ary ny
diantsika ho any amin'ny Kanan'ny Lanitra dia feno loza (tendrombohitra sy havoana). Fa eo
anatrehan'i Jehovah dia “mihorohoro ny tany” (Sal. 114:7).

MANDRE SADY MAMONJY NY TOMPO

"Hahatonga famonjena ho anao avy amin'ny fitoerana masina anie Izy, ary hanohana anao avy any Ziona" (Salamo 20:2)

Na dia teo amin'ny Tendrombohitra Ziona (Jerosalema) aza ny fitoerana masina (Tempoly), dia nazava tamin'ny Isiraelita fa tsy nonina ara-batana tao Andriamanitra. Mitoetra any amin'ny avo Andriamanitra, ao amin'ny "tena tabernakely izay naorin'i Tompo, fa tsy olona" (Heb. 8:2), ary avy any Izy no hihaino sy hamonjy (Sal. 20:2; 3:4; 1Mpanj. 8: 30).

Noho izany antony izany, dia afaka manatona Azy amim-pahatokiana isika ary mahazo antoka fa hohenoina (Heb. 4:16). Inona anefa no azony atao avy ao amin'ny fitoerany masina?

Manolotra famonjena (Sal. 14:7)

Miaro antsika amin'ny ratsy (Sal. 27:5)

Manome izay ilaintsika (Sal. 36:8)

Miaro ny tsy misy mpiaro (Sal. 68:5)

Mampahatanjaka antsika (Sal. 68:35)

Tsy afaka mahazo antoka amin'ny fanavotan'Andriamanitra ny olona raha tsy manana fifandraisana amin'Andriamanitra amim-pahamarinana, amin'ny alalan'ny fibebahana sy ny fanekena ny fahasoavan'Andriamanitra ary koa ny famelany heloka. Maneho ny famonjena izay ao amin'i Jesosy ny fanompoana atao ao amin'ny fitoerana masina.



“Ento mandrakariva eo anoloan'Andriamanitra ny ilainao, ny fifalianao, ny fahorianao, ny fanahianao, ny tahotrao. Tsy hahasasatra na hahavalaka Azy ny anaovanao izany. Tsy hanao tsinontsinona izay ilain'ny zanany Ilay mahay manisa ny volon-dohanao. “Miantra indrindra ny Tompo sady be famindram-po.” Jakoba 5:11. Ny fony feno fitiavana dia mangoraka noho ny fahorantsika, eny, na dia noho ny fitantarantsika ireny aza. Ento eo Aminy ny zavatra rehetra manahirana ny saina. Tsy misy zavatra mavesatra loatra ka tsy ho zakany, satria Izy no mitana izao tontolo izao, Izy no manapaka ny raharaha rehetra amin'izao tontolo izao. Tsy misy na inona na inona izay momba ny fiadanantsika azo atao hoe kely loatra ka tsy ho hitany. Tsy misy toko ao amin'ny zava-mihatra amintsika azo atao hoe maizina loatra, ka tsy ho voavakiny; tsy misy zava-tsarotra manahirana loatra, ka tsy ho hainy hazavaina. Tsy misy loza mahazo mihatra na dia amin'izay kely indrindra amin'ny zanany aza, tsy misy tebiteby mampijaly ny fanahy, tsy misy fifaliana mahamiramirana, tsy misy fivavahana marina navoaky ny vava, izay tsy voadiniky ny Raïntsika Izay any an-danitra, na tsy nanaitra Azy niaraka tamin'izay”